



Pou Piblikasyon Imedya: 28/01/2022

GOUVÈNÈ KATHY HOCHUL

**GOUVÈNÈ HOCHUL DEKLARE ETA DIJANS K AP AN VIGÈ A 8 P.M. PLISKE  
TANPÈT IVÈNAL PREVWA POTE GWO NÈJ AK GWO VAN NAN REJYON SID ETA  
A WIKENN SA A**

*Eta dijans dekare pou Konte Bronx, Kings, Nassau, New York, Putnam, Queens,  
Richmond, Rockland, Suffolk ak Konte Westchester*

*Kounye a yo prevwa gwo nèj vandredi aswè jiska samdi pou Long Island, Vil New York ak rejon Mid-Hudson yo ak akimilasyon 5 a 10 pouz ke yo prevwa nan NYC ak 10 a 16 pouz posib nan Long Island*

*Gouvènè Hochul avèti Nouyòkè yo pou yo rete lwen wout yo wikenn sa a pou pèmèt ekip respons dijans yo travay san danje*

*Wout Ray Long Island pral sispann sèvis nan tout sikisal yo; Avètisman tanpèt nèj an vigè pou Konte Suffolk*

*Rediksyon vitès ak restriksyon kamyon an plas apati vandredi swa pou randone ak Long Island Expressway la, paske van soutni ta ka depase 88 kilomèt alè*

Gouvènè Kathy Hochul te deklare jodi a yon Eta Dijans ki an vigè a 8 p.m. akòz gwo chit nèj ke yo prevwa nan rejon sid eta a paske yon sistèm tanpèt kotyè ki pral rive vandredi aswè k ap pote plis pase yon pye nèj ak rafal van nan kèk pati nan Long Island ak jiska 10 pouz nèj nan Vil New York ak nan ba rejon Hudson Valley. Rafal van ki depase 89 kmph pa moman gen chans pou afekte deplasman nan plizyè kote epi ta ka lakoz kouran. Gouvènè Hochul ap konseye Nouyòkè ki nan kote sa yo pou yo rete lwen wout yo wikenn sa a pou evite nenpòt kondisyon vwayaj danjere epi pèmèt ekip respons dijans yo fini misyon yo.

"Pou nou pran prekosyon, mwen deklare yon Eta Dijans jodi a paske tanpèt sa a pare pou kreye kondisyon vwayaj danjere, gwo pouvantaj chit nèj ak van soutni ki plis pase 80 kilomèt alè aswè a pou rive samdi", **Gouvènè Hochul te deklare**. "Ekip mwen an ak mwen menm nou konsantre sou previzyon an epi nou deja deplwaye resous pou reponn an ijans anvan tanpèt la pou ede ak efò respons yo nan zòn sid eta yo. Rantre lakay ou an sekirite aswè a, rete lakay ou pandan wikenn nan, evite nenpòt vwayaj ki pa nesesè, epi ekip nou yo pral netwaye wout la san danje."

**Komisè Divizyon Sekirite Teritwa ak Sèvis pou Ijans Eta a (Division of Homeland Security and Emergency Services), Jackie Bray, te deklare**, "Nou kwè tanpèt sa a pral pote anpil chit nèj nan Long Island epi li gen yon chans reyèl pou l'afekte Vil New York, ak pousantaj chit nèj ki plis pase yon pouss pa èdtan. Sant Operasyon Dijans (Emergency Operations Center) Eta a ouvri epi l'ap suiv tanpèt la ak anpil atansyon, men nou bezwen Nouyòkè yo rantre lakay yo bonè aswè a epi nou prevwa gwo nèj wikenn sa a. Evite vwayaj, espesyalman samdi, pral enpòtan pou pèmèt ekip repons dijans ki soti nan ajans eta ak lokal yo fè travay yo nan zòn ki frape pi di yo."

Gen yon avètisman Tanpèt nèj ki an vigè pou Konte Suffolk epi yon Avètisman Tanpèt Ivènal an vigè kounye a pou Konte Nassau, Vil New York, zòn Putnam, Rockland ak zòn Westchester yo. Meteyològ Sèvis Meteyo Nasional (National Weather Service) yo avize gen kèk ensètitid konsènan tras egzak tanpèt sa epi chit nèj yo ka varye nan pwochen previzyon yo. Pou ou kapab jwenn yon lis konplè sou alèt meteyowolojik yo nan zòn ou an, vizite [sit entènèt](#) Sèvis Meteyowolojik Nasional (National Weather Service) la.

### **Preparasyon Ajans**

#### **Divizyon Sekirite Teritwa ak Sèvis pou Ijans yo (Division of Homeland Security and Emergency Services)**

Sant Operasyon Ijans Divizyon Sekirite Enteryè ak Sèvis Ijans (Division of Homeland Security and Emergency Services) Eta New York la aktive epi l'ap kontwole kondisyon yo deprè, kowòdone operasyon entèvansyon ajans Eta yo, epi rete an kontak avèk lokalite yo pandan tout dire evènman an. Estòk Eta a prepare pou deplwaye resous nan lokalite yo pou sipòte nenpòt bezwen ki gen rapò ak tanpèt la, sa gen ladan ponp, twonsonez, sak sab, jeneratris, bèso, lenn ak dlo nan boutèy.

#### **Depatman Transpò (Department of Transportation, DOT)**

Depatman Transpò Eta a pare pou li entèvni avèk plis pase 3,400 sipèvizè ak operatè ki disponib nan tout Eta a. Depatman an ap planifye tou pou pibliye yon vitès konsilitatif ki se 72 kilomèt alè nan randone ak nan Long Island Expressway aswè a, epi mete restriksyon sou kamyon yo nan vwa dwat la sèlman nan Long Island Expressway la. Vitès konsilitatif sa yo pral sipòte pa siy mesaj varyab sou wout yo atravè Long Island.

Pou sipòte aktivite nèj ak glas nan zòn enpòtan yo, yo ap deplwaye yon total 94 anplwaye - ki gen ladan 70 operatè kamyon chasnèj, dis sipèvizè, sis mekanik siyal, kat mekanisyen, twa Asistan Enjenyè Rejyonal, yon ofisye sekirite ak de kamyon sèvis mekanisyen nan rejyon Long Island konsa a:

- Syosset ap resevwa 10 operatè ak yon sipèvizè k ap soti nan Mohawk Valley
- Garden City ap resevwa 8 operatè ak yon Asistan Enjenyè Rejyonal ki soti nan Rejyon Kapital la

- Riverhead ap resevwa 10 operatè ak 2 sipèvizè ki soti nan Finger Lakes, ak 6 operatè ak 1 sipèvizè ki soti nan North Country
- Central Islip ap resevwa 8 operatè ak 1 sipèvizè ki soti nan Southern Tier, ak 4 operatè ak 1 sipèvizè ki soti nan North Country
- Melville ap resevwa 10 operatè ak 2 sipèvizè k ap soti nan Mohawk Valley
- North Merrick ap resevwa 8 operatè ak 2 sipèvizè ki soti nan New York Santral, ak 4 operatè ki soti nan Rejyon Kapital la
- Babylon ap resevwa 2 operatè ak 1 Asistan Enjenyè Rejyonal ki soti nan New York Santral, ak 1 Asistan Enjenyè Rejyonal ki soti nan Rejyon Kapital la
- Long Island Fleet Management ap resevwa 2 mekanisyen ki soti nan Mohawk Valley ak 2 mekanisyen ki soti nan New York Santral
- Y ap deplwaye yon Ofisiye Sekirite nan Finger Lakes nan Long Island, ansanm ak 2 mekanisyen siyalizasyon ki soti nan Rejyon Kapital la, 2 mekanisyen siyalizasyon ki soti nan Mohawk Valley, ak 2 mekanik siyalizasyon ki soti nan Southern Tier.
- Yo pral deplwaye ekip dechiktez ak pyebwa yo jan sa nesesè pou retire pyebwa ki tonbe nan wout yo epi yo pral evalye bezwen resous adisyonèl yo yon fason konstan pandan tout evènman an.

Yo pral òganize tou kamyon remokaj nan Syosset, Riverhead, Medford, Hampton Bays, Central Islip, Melville ak North Merrick pou elimine aksidan yo byen vit.

Tout ekipman nèj ak glas ki disponib yo pare pou deplwaye epi tout lokal rezidansyèl yo pral rete ak anplwaye yo pou operasyon yo 24/7 pandan tout dire evènman an. Flòt Mekanik nan zòn ki afekte yo ap gen anplwaye nan tout lye rezidans prensipal yo 24/7 pou fè reparasyon epi mentni kamyon yo sou wout la.

Kantite ekipman ki genyen nan tout Eta a repati konsa:

- 1,596 gwo kamyon chasnèj
- 143 chasnèj mwayen
- 51 remòk chasnèj
- 322 gwo chajè
- 38 aparèy pou soufle nèj

### **Otorite Thruway**

Otorite Thruway la gen plis pase 681 sipèvizè ak operatè ki pare pou entèvni.

Kantite ekipman ki genyen nan tout Eta a repati konsa:

- 252 gwo kamyon chasnèj
- 112 chasnèj mwayen
- 11 remòk chasnèj
- 67 gwo chajè

Yo itilize Pano pou Mesaj Varyab ak rezo sosyal yo pou avèti otomobilis yo sou kondisyon move tan ivè pandan yo sou Thruway la.

Otorite Thruway yo ankouraje otomobilis yo telechaje [aplikasyon mobil](#) li an, ki disponib gratis sou aparèy iPhone ak Android yo. Aplikasyon an bay otomobilis yo enfòmasyon sou sikilasyon an nan tan reyèl, ansanm avèk asistans pou navigasyon pandan yo sou wout. Otomobilis yo ka enskri tou pou yo resevwa imèl [TRANSalert](#) k ap bay dènye enfòmasyon sou kondisyon sikilasyon sou Thruway a [isit la](#).

### **Depatman Konsèvasyon Anviwònmantal (Department of Environmental Conservation)**

Ofisyè Lapolis Pwoteksyon Anviwònman DEC yo, Gad Forè yo, anplwaye Jesyon Ijans yo, ak anplwaye rejyonal yo nan eta dalèt epi y ap siveye sitiayson k ap devlope a epi y ap fè patwouy aktivman nan zòn ak enfrastrikti ki afekte pa move tan an. Tout resous ki disponib yo, ki gen ladan siyè yo, yo pare pou ede ak nenpòt repons ijans.

### **Biwo Pak, Lwazi ak Konsèvasyon Istorik (Office of Parks, Recreation and Historic Preservation)**

Tout Pak Eta Long Island yo pral fèmen tanporèman samdi maten kòm yon prekosyon pou sekirite. Vizitè pak yo dwe tcheke [parks.ny.gov](#) oswa rele biwo pak lokal yo pou yo jwenn dènye nouvèl konsènan lè fonksyònman pak yo, lè ouvèti ak fèmti yo. Lapolis Pak Eta New York ak anplwaye pak yo rete alète epi y ap swiv deprè kondisyon metewolojik ak enpak yo. Ekip siyè yo annatant pou ede ak repons ijans

### **Depatman Sèvis Piblik**

Sèvis piblik New York genyen apeprè 5,550 travayè disponib ki angaje nan evalyasyon domaj, efò entèvansyon, ak restorasyon atravè Eta New York. Pèsonèl ajans lan ap swiv travay sèvis piblik yo pandan tout evènman an epi y ap asire peryòd travay sèvis piblik yo gen pèsonèl ki awopriye ak rejyon yo prevwa ki pi afekte yo.

### **Lapolis Eta New York**

Lapolis Eta a ap ajoute patwouy siplemantè nan zòn yo prevwa k ap pi afekte pa tanpèt la, epi yo pare pou deplwaye manm Patwouy anplis, jan sa nesesè. Tout machin kat wou motris ak espesyalize Lapolis Eta a yo anplas ak pare pou entèvansyon imedyat, epi tout ekipman pou kouran ijans ak komunikasyon yo te teste.

### **Otorite Enèji New York la (New York Power Authority, NYPA) ak Canal Corporation**

Anplwaye Otorite Enèji New York la ak anplwaye Canal Corporation yo ap fè preparasyon pou asire tout enstalasyon yo, resous yo ak ekipman yo byen sekirize epi ke yo prè. Otorite Enèji a prepare pou sipòte aktivite restorasyon enèji si sa nesesè.

### **Otorite Transpò Metropolis**

MTA ap siveye kondisyon meteyowolojik yo deprè pou asire sèvis san danje, ki fyab. Anplwaye MTA yo ap pare pou voye sèl, netwaye platfòm ak eskalye kote ki gen glas

yo, epi kenbe siyal, entèriptè, ak twazyèm ray yo ap fonksyone, retire tout pye bwa ki tonbe ki ka tonbe sou sante yo, epi asiste nan tout defi ki lye ak kondisyon meteyo yo pandan tanpèt la.

Demen, Tren ak Otobis ak Metro-North Railroad Vil New York yo prevwa fonksyone nan orè wikenn nòmal yo. Yo pral retire otobis atikile yo atravè Vil New York nan samdi epi ranplase yo pa bis estanda ki mezire 40 pye. Yo pral ekipe tout otobis estanda sa yo ak chèn. Pon ak Tinèl MTA (MTA Bridges and Tunnels) ap konseye otomobilis yo pou yo pran prekosyon lè y ap kondui sou wout ki gen glas yo epi kondui nan vitès ralanti.

MTA kontinye kontwole ak anpil atansyon enpak potansyèl Wout Ray Long Island lan.

Kliyan yo ankouraje tcheke [new.mta.info](http://new.mta.info) pou dènye mizajou sou sèvis, ak pou itilize prekosyon pandan y ap navige sistèm lan. Kliyan yo tou ta dwe enskri pou sèvis alèt an tan reyèl yo atravè mesaj tèks oswa imèl. Alèt sa yo disponib tou atravè aplikasyon MTA yo: MYmta, Long Island Rail Road Train Time ak Metro-North Train Time.

### **Otorite Pòtyè a nan New York ak New Jersey (Port Authority of New York and New Jersey)**

Otorite Pòtyè a ap siveye ak anpil atansyon kondisyon metewolojik yo e li mobilize pèsonèl ak ekipman atravè enstalasyon li yo pou prepare yo pou van nòdès la ak gwo chit nèj. Nèj ki akimile yo prevwa lakòz reta ak anilasyon nan tout reydon an. Pou facilite yo retire nèj atravè enstalasyon Otorite Pòtyè yo, ajans lan pral gen plis pase 480 pyès ekipman ak zouti ki pare ki gen ladan souflez nèj a gwo vitès, chasnèj, ak dejivrè yo. Restriksyon pou vitès yo gendwa an vigè nan pon yo, ansanm ak wout pou ale ak pou sòti nan kafou yo.

Yo ap ankouraje pasaje atravè enstalasyon Otorite Pòtyè yo pou kontakte konpayi otobis ak liy ayeryèn yo dirèkteman pou dènye enfòmasyon sou reta ak anilasyon. Pou dènye enfòmasyon yo sou etablisman Otorite Pòtyè yo, tanpri tcheke rezo sosyo yo, enskri pou [Alèt PA](#) yo oswa telechaje youn nan aplikasyon mobil PA yo, ki enkli [RidePATH](#) ki bay mizajou nan tan reyèl ak alèt pou sèvis PATH.

### **Konsèy sekirite**

#### **Deplasman nan sezon ivè**

Prensipal kòz lanmò ak blesi pandan tanpèt ivè se aksidan transpò.

Anvan ou chita dèyè volan, pa blyie retire glas ak nèj ki sou machin ou an; bon vizyon se sekrè kondui byen. Planifye arè ou yo epi kite plis distans ant machin yo. Pote plis atansyon epi sonje pil nèj yo ka maske timoun ki pi piti yo. Toujou koresponn vitès ou selon kondisyon wout la epi selon meteyowolojik.

Li enpòtan pou chofè ki sou tout wout yo konnen vitès chasnèj yo se 56 kilomèt alè, sa ki nan anpil ka pi ba pase limit vitès ki make a, pou yo ka garanti sèl yo simen an rete

nan vwa sikilasyon yo epi pa dispèse andeyò wout yo. Anpil fwa sou otowout ant eta yo, chasnèj yo opere kòtakòt, kòm se fason ki pi efikas epi ki ofri plis garanti pou netwaye plizyè vwa yon sèl kou.

Chofè machin ak pyeton dwe sonje chofè chasnèj yo ka wè devan yo sou yon distans limite, epi gwozè ak pwa chasnèj yo ka fè l difisil pou manevre epi frennen touswit. Nèj chasnèj la ap soufle dèyè li ka diminye vizibilite anpil oubyen kreye yon vwal blan. Chofè machin yo pa ta dwe eseye double chasnèj yo, ni swiv yo twò pre. Kote ki gen plis sekirite pou chofè machin yo woule se lwen dèyè chasnèj yo, kote wout la klè epi gen sèl sou li.

Men kèk nan konsèy ki pi enpòtan pou woule ansekirite:

- Lè tanpèt ivè yo rive, pa kondui si li pa vrèman nesesè.
- Pran prekosyon sou pon yo paske li ka fè glas la pi vit pase sou wout yo.
- Fèy mouye ki sou wout yo kapab lakòz atè a glise, sa ki fè li enpòtan pou kondui pi dousman lè wap pwoche kote ki kouvri ak fèy yo.
- Verifye machin ou gen ladan lenn, yon pèl, flach ak pil anplis, rad cho anplis, yon pè chèn pou kawotchou, kab boustè pou batri, manje ki bay enèji rapid ak rad ki gen koulè klere pou sèvi kòm drapo detrè.
- Kenbe tank gaz ou plen pou evite gazolin nan friz.
- Si ou gen telefòn selilè oswa yon wòki tòki disponib pou w sèvi, kenbe batri a chaje epi kenbe l avè ou tout lè ou ap vwayaje. Si ou ta vin bloke, ou ap kapab rele pou mande èd, enfòme sekouris yo sou kote ou ye.
- Asire ou ke yon moun konnen plan vwayaj ou.
- Pandan ou ap kondui, kenbe machin yo lwen glas ak nèj.
- Planifye arè yo epi kenbe distans ant machin yo. Toujou koresponn vitès ou selon kondisyon wout la epi selon meteyowolojik.

## Koupi kouran

Si moun New York yo ap eksperimente yon entèripsyon kouran, moun New York yo ta dwe:

- Fèmen oswa dekonekte gwo aparèy ansanm ak lòt ekipman yo, sa vle di, òdinatè yo, nan ka yon sichaj elektrik momantane ki kapab andomaje aparèy sa yo. Kite yon limyè limen pou ou konnen lè kouran retounen. Konsidere itilize pwotektè kont wot tansyon tout kote ou itilize ekipman elektwonik.
- Rele konpayi itilite ou la pou ou fè yo konnen pa gen kouran epi koute emision radyo lokal ou yo pou enfòmasyon ofisyèl yo. Pou yon lis konpayi itilite yo, vizite Depatman Sèvis Piblik la.
- Tcheke pou w wè si vwazen w yo gen kouran. Voye je sou moun ki gen bezwen aksè ak bezwen fonksyonèl yo.
- Itilize flash sèlman pou ekleraj nan ka ijans – bouji ka lakòz dife.

- Kite pòt frijidè oswa frizè yo fèmen - pifò manje ki mande refrijerasyon yo ka rete nan frijidè an tout sekirite pandan plizyè èdtan. Yon frijidè ki rete fèmen pral kenbe manje yo frèt pandan apeprè kat (4) èdtan. Yon frizè ranpli pral kenbe tanperati l pou apeprè 48 èdtan.
- Pa itilize gri chabon anndan kay epi pa itilize fou gaz pou chofe kay la – yo ka emèt yon kantite monoksid kabòn ki danjere.
- Pandan tan frèt la, rete ocho lè ou mete plizyè kouch rad epi minimize tan ou pase deyò. Fè atansyon a sentòm estrès fredi lakoz yo (tankou ipotèmi) epi chache jwenn swen medikal apwopriye si ou vin gen sentòm sa yo.
- Si ou nan yon biling ki wo, pran mach eskalye epi ale nan nivo ki pi ba nan biling lan. Si w bloke nan yon asansè, tann asistans. Pa eseye fòse ouvr pòt yo. Rete pasyan - gen anpil lè anndan asansè a epi li fèt pou sekirite pasaje yo.
- Sonje bay bèt domestik ou yo dlo fre.
- Elimine vwayaj ki pa nesesè, sitou nan machin. Siyal sikilasyon yo pral sispann fonksyone pandan yon entèripsyón, sa ki ap kreye anbouteyaj ak kondisyon ki danjere pou moun kondui. Si ou dwe kondwi pandan yon blakawout, sonje obeyi règ pou kanpe nan entèsekson ki gen 4 vwa yo ak siyal sikilasyon ki pa fonksyone.
- Sonje ke ekipman tankou ATM ak asansè ka pa fonksyone.

Pou plis konsèy sou sekirite, ale sou sitwèb Divizyon Sekirite Enteryè ak Sèvis Ijans (Division of Homeland Security and Emergency Services) Eta New York la [isit la](#).

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)